

Veður



Norðaustanátt, víða 10-18 m/s en lægir. Snjókoma eða el norðaustan til og við norðvesturströndina. Bjart með köflum og yfirleitt þurrt um landið sunnanvert. **SJÁ SIÐU 30**



Frá urðunarstað Sorpu í Álfsnesi.

Skýrsla um Sorpu nokkuð á eftir áætlun

REYKJAVÍK Skýrsla sú sem unnið er að á vegum innri endurskoðunar Reykjavíkurborgar er enn óútkomin þrátt fyrir að áætlað hafi verið að hún yrði tilbúin 5. desember síðastliðinn.

Á stjórnarfundum í Sorpu undir lok september var samþykkt að óskað yrði eftir úttekt innri endurskoðunar borgarinnar á starfsemi Sorpu. Tílefnið var að bygging gas- og jarðgerðarstöðvar Sorpu í Álfsnesi fyrir 1,4 milljarða framúr áætlun sem og kostnaður vegna tækjabúnaðar í stækkun móttökustöðvar í Gufunesi.

Bókað var á stjórnarfundinum að innri endurskoðun athugi sérstaklega stjórnarhætti fyrirtækisins, einkum með tilliti til þess að mistök af þessu tagi hafi alvarleg áhrif á sjóðstreymi félagsins og fjárfstýringu. Jafnframt var í bókuninni tilgreint að athuga eigi þær úttektir sem áður hafi verið gerðar á Sorpu.

Í skriflegu svari Halls Simonarsonar, innri endurskoðanda Reykjavíkurborgar, staðfestir hann við Fréttablaðið að unnið sé nú að skoðun á málefnum sem varða Sorpu í samræmi við beiðni stjórnar félagsins og að unnið sé samkvæmt áætlun sem kynnt var og samþykkt á fundi stjórnar þann 27. september.

Jafnframt kemur fram í svarinu að úttektin hafi tekið lengri tíma en áætlað var í upphafi. Verkið sé þó í lokafasa. Ekki kom fram hvenær áformað er nú að því ljúki. – jþ

Gyðingar á Íslandi fögnuðu ljósahátíð



Gyðingar á Íslandi fögnuðu í gær upphafi Hanukkah, ljósahátíðarinnar, þar sem þess er minnst Jerúsalem var frelsuð undan Sýrlendingum og ljósið í musterinu fór aftur að loga. Avi Feldman, fyrsti rabbi gyðinga hérlandis, stýrði viðburði í miðbæ Reykjavíkur af því tilefni. Dagur B. Eggertsson, borgarstjóri, var viðstaddur athöfnina. Hátíðin, sem stendur í 8 daga, er gyðingum mikil gleðihátíð. FRÉTTABLAÐIÐ/SIGTRYGGVARI

Rafeindavirki er dúxinn í Tækniskólanum

MENNTAMÁL Auður Þórunn Rögnvaldsdóttir er dúx Tækniskólans af rafeindavirkjabraut. Áður en Auður lauk námi í rafeindavirkjun hafði hún lokið hugbúnaðarverkfræði frá Danska tækniháskólanum DTU og stúdentsprófi frá Menntaskólanum í Reykjavík.

Auður Þórunn segir að hana hafi alltaf langaði að kunna að smíða rafeindarásir en ekki bara teikna þær. Lokaverkefni hennar, steríomagnari og fjartýring fyrir magnarann, er stofustáss sem Auður smíðaði og notar heima hjá sér til að spila tónlist.

Auður stefnir nú á nám í kennslufræði til að hefja strax í vor störf sem kennari við rafeindavirkjadeild Tækniskólans.

Alls útskrifuðust 275 nemendur frá Tækniskólanum í síðustu viku. Komu þeir af af 49 námsbrautum og var yngsti nemandinn 17 ára en sá elsti 61 árs. – ds

Krakkar fá tvö tonn af kartöflum í skóinn

Íslandsstofa hefur loks gefið út allar helstu tölur sem tengjast jólasveinunum. Hún áætlar að þrjú prósent íslenskra barna séu svo óþæg að þau fái kartöflu í skóinn og segir íslensku sveinana vera mun duglegri en hina erlendu.

JÓLAHÁTÍÐ Greiningardeild Íslandsstofu hefur rannsakað gögn yfir störf íslensku jólasveinanna og áætlar að íslensk börn fái tvö tonn af kartöflum í skóinn fyrir þessi jól og tæp fimm tonn af mandarinum. Samkvæmt frétt á vef Íslandsstofu eru íslensku jólasveinarnir mun duglegri en kollegar þeirra í öðrum löndum.

Samkvæmt greiningardeildinni þurfa jólasveinarnir að gefa gjafir í 45.500 skó á hverri nóttu og að það taki þá ekki nema átta klukkustundir. Jólasveinarnir gefa því hvorki meira né minna 591.500 gjafir þessar þrettán nætur sem þeir vinna.

Niðurstöðurnar gera ráð fyrir að þrjú prósent íslenskra barna séu óþekk og því neyðist sveinarnir til að gefa tvö tonn af kartöflum í skóinn. Það er þó ekki mikið miðað við þau 4,8 tonn af mandarinum sem fara í skó íslenskra barna árlega.

Kertasníkir er langvinsælustur Greiningardeildin telur þessar tölur, og þá staðreynd að vinnudagar þeirra eru mun fleiri en vinnudagar erlendra jólasveina, sýna svo ekki verði um villst að þeir eru þeir allra duglegustu í heimi. Þeir eru einnig einstaklega gjafmildir því að þeir munu gefa gjafir fyrir tæplega þrjú hundruð milljónir á þessu ári.

Fréttablaðið hefur áður sagt frá því að kannanefyrirtækið MMR hafi skoðað vinsældir jólasveinanna þrettán. Eitt þúsund Íslendingar áttán ára og eldri voru spurðir.

MMR segir að Kertasníkir sé sá vinsælasti, en að á hæla hans komi Stúfur. Aftur á móti eru Askasleikir, Þvörusleikir og Pottaskeffill þeir óvinsælustu. Þannig virðist þjóðin



Íslandsstofa segir jólasveina hrífa af mandarinum. FRÉTTABLAÐIÐ/ERNIR

» Á átta klukkustundum gefa jólasveinarnir gjafir í 45.500 skó á hverri nóttu. Alls áætlar Íslandsstofa að þrjú prósent íslenskra barna séu óþekk.

ekki kippa sér mikið upp við þjófóttu jólasveinana, en óvinsælastir eru þeir sem hafa tamið sér þann ósöð að sleikja öhrin mataríll. En hvort þeir neyðist oftan en Kertasníkir og Stúfur, til þess að setja kartöflur í skó barnanna kemur

ekki fram í niðurstöðum MMR.

Enginn er alltaf góður Í fyrria ritaði Hrund Þrándardóttir salfræðingur hjá Sálstofunni mikilvægt opið bréf til jólasveinanna. Hún minnti þar á að enginn sé 100 prósent góður allan daginn, hvorki börn né fullorðnir. Þó það sé oft sagt að börn þurfi að vera góð til að fá í skóinn þá þurfi viðmið um hver eru „góð“ og hvenær þau eigi að vera góð að vera mjög skýr. Þá sé einnig mjög mikilvægt að gæta jafnræðis við val á gjöfum, því börnin beri oft saman gjafirnar sem þau fá frá jólasveinunum. gudjoni@frettabladid.is

Alltaf nóg til af humri hjá Norðanfiski...
STÓRUM HUMRI!!



Hafið samband á nordanfiskur@nordanfiskur.is eða í síma 430 1700

Norðanfiskur ehf. sérhæfir sig í framleiðslu á úrvæls sjávarfangi til veitinga- og stórhúsa.

Einnig má finna vörur Norðanfisks í neytendapakningum í verslunum Bónus um land allt.

norðanfiskur